


ընել, որովհետեւ անոնք որ այս կեղծի-  
քը նուիրակնացնելով գործածել կ'ու-  
զեն, կրնան հեշտութեամբ ըսել որ նա-  
մակին խնդրական մասերը թարգմանի-  
չին սխալներն են:



Յակոբ Զուղայեցիէ գրուած երկու  
ինքնազիր նամակներ կան Հաւատոյ Տա-  
րածման Ժողովին Դիւանին մէջ, որոնք  
լուսանկարել տալով հոս նախ կ'արտա-  
հանեմ լուսատիպ եւ յետոյ կ'արտագրեմ,  
պարզելով սղագրութիւնները: Երկուքն  
ալ մեծապէս շահեկան նամակներ են եւ  
ճշգրիտ կերպով ցոյց կուտան կաթողի-  
կոսին մտային եւ հոգեկան վիճակը կարգ  
մը հայ Հոռոմէադաւաններու եւ Հոռոմէա-  
դաւանութեան մասին:

«Յ(իսուս)ի Ք(րիստոս)ի նուստ  
ծ(ա)ռ(ա)յ յ(ա)կ(ո)ր կ(ա)թ(ո)ղ(ի)-  
կ(ո)ս ամենայն Հայոց: Յորմէ հասցէ  
գիր ա(ւր)հնութե(ան), եւ նամ(ա)կ  
պահպանութե(ան): Ծնորհք առ(ա)ք(ե)-  
լ(ա)կ(ա)ն, եւ ա(ստու)ծային բ(ա)զ-  
մ(ա)պ(ա)տիկ ա(ւր)հնութի(ւ)ն ի վ(ե)-  
ր(ա) հոգեւոր որդոյ իմոյ ս(ա)րգիս  
վ(ա)րդ(ա)պ(ե)տիդ, եւ քոյոցդ ամ(ե-  
նայն)ի ի տ(է)ր խնդալ:»

«Եւ ընդ ա(ստու)ծապարգեւ ա(ւր)  
հնութե(ան)ս ծանիր սիրելի որդի, քանի  
ինչ բան ի քէն լուեալ էի վ(ա)ս(ն) այն  
նեղսրա(եա)լ էի քէն, որն իրաւ էր, որն  
ոչ: Նախ արդ (ու)ր(ու)մցի Բ(ա)րս(ե)-  
ղըն ուր որ գնում է խ(լ)րթի նմ(ա)ն է  
հոտ է հանում: շալակն տեղ առած ի  
թարվէզ նստ(եա)լ որ ի սպ(ա)հ(ա)ն(ա)յ  
եկն ինձ գիր քօհմաքի: Մեք վ(ա)ս(ն)  
ա(ստու)ծոյ այն ատել(ոյ)ն խղճում ենք,  
ինքն իւր հաջմ(ա)ն(ա)ցն չէ դազ(ա)րիլ:  
Եւ կամ այսք(ան) ամիս ի թարվէզ Ի՞նչ  
կու նստիս: Որքան շատ նստիս այնք(ան)  
կանանհամ(ա)ն(ա)ս: Երկ(որ)դ կ(ո)ղ-  
մ(ա)նէ ծուռ էին գր(եա)լ: Երբ(ո)րդ  
ա(ստու)ծոյ ատելի մէլիքին կ(ո)ղմ(ա)-  
նէ զոր դու ես գր(եա)լ: Չ(ո)րբ(ո)րդ  
դայլն եւս լուեա եթէ հեռ(ա)ն(ա)լ կա-  
միս ի ս(ուր)բ առ(ա)ք(ե)լոյ: Հոգեւոր  
որդի ա(ստու)ծոյ իրաւունք այն է որ  
տեղակ լինիք յ(ա)ռ(ա)ջ ս(ուր)բ  
աթ(ո)ռ(ո)յն հոգ(ո)յք եւ ապա ձերն:

Իսկ այժմս որ թուղթ էիր գր(եա)լ առ  
մեզ եւ եկ(եա)լ էր ի ձեռն ս(ա)հ(ա)կ  
վ(ա)րդ(ա)պ(ե)տին. զոր ձեռն տ(ա)լն  
խախտ(եա)լ քարէրին մեծ խնդութի(ւն)  
եղեւ սրտիս, զի մեր աստ խորհէն, եւ  
քո այտր ձեռնարկելն ա(ստու)ծոյ հա-  
ծ(ո)յիցն է նշան: Ճշմ(ա)րտիւ գրեմ զի  
ով ոք այդ վանուցդ նեղութի(ւ)ն կու  
կրէ իմ սիրելի որդին նայ է: Ձի ինձ  
պ(ա)րտք ս(ուր)բ առ(ա)ք(ե)լոյդ հո-  
գարարձութի(ւ)ն: Սիրելի որդի եթէ կա-  
միս զիմ սիրտս շահել արիւթե(ան)  
գօտի ընդ մէջ ամ զոր ինչ ձեռն(ա)րկէս  
ի կատ(ա)ր հասոյ: Ձիմ կամս այն էր  
ձմեռս ս(ա)հ(ա)կ վ(ա)րդ(ա)պ(ե)տն  
այլ տեղ ող(ա)րկէի այլ թուլ ետու մինչ  
ի համարձուցն, ս(ուր)բ առ(ա)ք(ե)լոյ  
համար ժ(ո)ղ(ո)վ առնէ, եւ առ քեզ  
ող(ա)րկէ: Ձի տ(է)ր լիցի քեզ ձեռնտու,  
օղնական, փրկիչ եւ պ(ա)հ(ա)պ(ա)ն  
յամ(ենայն) վտ(ա)նդէ հոգոյ եւ մ(ա)ր-  
մըն(ոյ): Ի յիմ կողմ(ա)նէ անհող լեր  
զի Գ(երեք) կ(ո)ղմ(ա)նէ իմ սիրելի որ-  
դի ես: Տ(է)ր առ(ա)ջ(նոր)դէ: յԵրբ տե-  
սից զքեզ ի յայնժ(ա)մն պ(ա)տմեցի:  
Ի յակիմն ձորն յունվարի Թ(9): Ձեռ(ա)մբ  
իմով գրեցի: Ձի տ(է)րն ամ(ենայն)ի  
պ(ա)հ(եա)ցէ զքեզ անի(ո)րձ ի յամ(ե-  
նայն) փ(ո)րձութ(են)է հոգոյ եւ ի մար-  
մընոյ: Ձի մշ(ա)կ առանց ամօթոյ լիցիս  
ք(րիստոս)ի ա(ստու)ծոյ մերոյ: Ամէն:»

Թուական չկայ, թէ եւ որոշ է որ  
գրուած է Յակոբ Զուղայեցիի Տիգրա-  
նակերտէն Կ. Պոլիս վերագարձուելու  
տարին, 1679ին: Նամակը կը կրէ իր կա-  
թողիկոսական կնիքը:

Ժամանակագրական կարգով Յա-  
կոբ Զուղայեցին 1678ի Սեպտեմբեր 28ին  
Կարին էր, ուր ԵՊԲ հասնելուն մասին  
բան չենք գիտեր: Հաւանական է որ իբր  
թէ իր կողմէ գրուած նամակին մէջ իր  
ճամբորդութեան մասին տուած ման-  
րամասնութիւնները ճիշտ ըլլան: Կեղ-  
ծարար-խմբազրոյրը կրնար այդ տեղե-  
կութեանց ծանօթ ըլլալ այլուստ, այ-  
սինքն թէ ինչպէ՞ս Յակոբ Զուղայեցի  
բանտարկուեցաւ եւ արգիլուեցաւ Կար-  
նոյ մէջ եւայլն: Առ ի չզոյէ ուրիշ աղ-  
բւրի ընդունինք առ այժմ որ կաթողի-  
կոսը ամիս մը Կարնոյ միջնաբերդին